

## **KIROL-ZERBITZUA**

### **KIROL-ELKARTEEN FUNTZIONAMENDURAKO DIRULAGUNTZAK BANATZEKO 2026KO OINARRI-ARAU ESPEZIFIKOAK**

#### **1. ARTIKULUA.- Xedea eta helburuak**

Oinarri hauen xedea da arautzea 2026an Oiartzungo kirol-elkarteen funtzionamendurako dirulaguntzak norgehiagoka bidez banatzeko prozedura.

Dirulaguntza hauetan kontuan izango dira Oiartzungo Udalaren dirulaguntzak arautzen dituen Ordenantza, 2025-2027rako Dirulaguntzen Plan Estrategikoa, eta Emakumeen eta Gizonen Berdintasunerako eta Emakumeen aurkako indarkeria matxista gabe bizitzeko Legearen testuategina, 1/2023 Legegintzako Dekretuz, martxoaren 16an onartua eta 3/2007 Lege Organikoa, martxoaren 22koa, emakumeen eta gizonen berdintasun eragingarriak.

#### **2. ARTIKULUA.- Onuradunak eta parte hartzeko baldintzak**

Oiartzungo kirol-elkartea izan beharko da dirulaguntza-deialdi honen onuradun izateko; gainera, bete egin beharko dira Oiartzungo Udalaren dirulaguntzak emateko Ordenantza Orokorrek ezartzen dituen baldintzak eta baita honako hauek ere:

- a) Indarrean dagoen legeriaren arabera eratuta egotea eta inskribatuta egotea Euskadiko Kirol Erakundearen Erregistroan (Eusko Jaurlaritzan).
- b) Identifikazio Fiskaleko Kodea izatea eta egunean egotea zerga-betebeharretan eta Gizarte Segurantzakoetan.
- c) Helbide soziala eta jardute-eremua Oiartzunen edukitzea. Salbuespen gisa, Gazteria- eta Kirol-zerbitzuak onartu ditzake, egoitza soziala Oiartzunen izan ez arren, jardute-eremua Oiartzunen duten elkarteak, herriaren intereskoak diren jarduerak eta proiektuak gauzatzen dituztenean.
- d) Eskola Kiroleko araudia betetzea. (125/2008 Dekretua, uztailaren 1ekoa, Eskola Kirolari buruzkoa eta indarrean dagoen Eskola-kiroleko Foru Araua).

Ezingo dute dirulaguntzarik jaso, indarrean den araudiari jarraiki, eskubide hori mugatuta edo ezabatuta duten pertsonak edo erakundeak. Halaber, ezingo dute dirulaguntzarik eskuratu behin betiko ebazpen bidez eskubide hori ebazpenak erabakitako epean galtzera zigortutakoek ere, edo Dirulaguntzen 38/2003 Lege Orokorrek 13. artikuluan adierazitako beste edozein kasutan daudenean.



Ez zaie dirulaguntza emango ondorengo entitateei:

- Elkarateak sexu-bereizkeriagatik zigor administratiboa edo penala jaso duenean.
- Bere helburuetan, onarpen-sisteman, funtzionamenduan, ibilbidean edo jardueretan emakumeen eta gizonen berdintasunaren printzipioaren aurkakoak diren edo argi eta garbi bereizkeriakoak diren kontuak edo alderdiak dituztenei.
- Beren baitan gizon eta emakumeen presentzia eta parte-hartzea berdintasun egoeran gauzatzea galarazten duten elkarateak, salbu eta, sexu bakarreko kideek osatutako elkarateak izanik, helburu nagusia gizon eta emakumeen arteko berdintasuna lortzea edo emakumezkoen nahiz gizonezkoen berariazko interes eta beharrak sustatzea dutela.
- 1/2023 Legegintzako Dekretuak, martxoaren 16koa, emakumeen eta gizonen berdintasunerako eta emakumeen aurkako indarkeria matxistarik gabe bizitzeko Legearen testu bategina onartzen duena, edo Emakumeen eta Gizonen Berdintasun Eragingarrirako martxoaren 22ko 3/2007 Lege Organikoan ezarritako betebeharrak betetzen ez dituztenak.
- Era berean, ezin izango dira onuradun izan 8/2021 Lege Organikoak, ekainaren 4koak, Haurrak eta Nerabeak Indarkeriatik Erabat Babestekoak 48. artikuluan ezarritako betebeharrak betetzen ez dituztenak.

Ondorengo kirol-modalitate, kirol-elkarateak deialdi honetatik kanpo gelditzen dira:

- Mendizaletasuna, ehiza, arrantza eta zikloturismo modalitateak, modalitatearen barne estruktura eta praktika-motaren ezaugarriak kontuan hartuta, antolatutako ekintzen arabera jasoko dituzte dirulaguntzak eta dirulaguntza-lerro honetan ez dute parte hartzerik izango.
- Oarsoaldeko kirol-koordinazio-mahaian hartutako akordioen ondorioz trataera berezia duten eskualde-izaerako kirol-elkarateak.

### **3. ARTIKULUA.- Diruz lagunduko ez diren gastuak**

Ez da dirulaguntzarik emango gastu hauetarako:

- Udal-zerbitzu propioaren edo beste udal-zerbitzu baten berariazko eskumenekoak direnak edota horien laguntza edo hitzarmen baten barruan sartzen diren gastuak.
- Gastuak dirulaguntza ematen den ekitaldi ekonomikoan gauzatzen ez direnean.

#### **4. ARTIKULUA.- Dirulaguntzaren kontzeptuak eta irizpideak. Zenbatekoa. Gehieneko dirulaguntza eta aldaketak**

##### **4.1 DIRULAGUNTZEN KONTZEPTUAK ETA IRIZPIDEAK**

Oinarri hauetan zehaztutako ohiko kirol-jarduerak diruz laguntzeko zehaztutako zenbateko guztia, epe barruan aurkeztutako eskaera guztiak kontutan hartuz, jarraian azaldutako kontzeptu eta irizpideen arabera banatuko dira:

##### **1. KIROLARIAK: kirolari lizentzia bakoitzeko**

- Lizentzia bakoitzeko **puntu 1**
  - Emakumezkoen lizentziak **0,5 puntu gehiago**
  - Oiartzuar herritarren lizentzia bakoitzeko **puntu 1 gehiago**
  - 12-18 urte bitarteko kirolari bakoitzeko **puntu 1 gehiago**
  - Aniztasun Funtzionala duen kirolari lizentzia bakoitzeko **10 puntu gehiago**

##### **2. ENTRENATZAILEAK: Entrenatzaileen titulazioa, euskara-maila eta generoa**

###### **Kiroleko titulazioa:**

- Jarduera Fisikoaren eta Kirolaren Zientzietako Lizentziatuduna edo Graduatua edo 3. Maila (KEE<sup>(1)</sup>), Nazionala (edo baliokidea): **8 puntu**
- Irakasle-ikasketak Heziketa Fisikoan (kirol-magisteritza) edo 2. Maila (KEE<sup>(1)</sup>), Lurraldekoa: **4 puntu**
- Gorputz eta Kirol-ekintzen Teknikaria (TAFYD) edo 1. Maila (KEE<sup>(1)</sup>), Monitorea: **2 puntu**
- MADE: **puntu 1**
- Monitore titulugabea edo laguntzailea: **0 puntu**

<sup>(1)</sup> Kirolaren Euskal Eskola

###### **Euskarako titulazioa:**

- C1 (EGA edo baliokidea): **4 puntu**
- B2 (2. HE edo baliokidea): **2 puntu**

###### **Genero-irizpidea:**

- Emakume entrenatzaile bakoitzeko: **x1,5 puntu**

##### **3. ZUZENDARITZA-BATZORDEA: Klubeko zuzendaritza-batzordearen osaera. Emakumeen parte-hartzea baloratuko da (gehienez 10 puntu).**



- Zuzendaritza parekidea izateagatik. Gehienez **5 puntu**
- **5 puntu** emango dira klubeko presidentea emakumea bada.

#### **4. PARTEHARTZEA**

UKABEKO bileretan parte hartzea: bakoitzeko **20 puntu**.

#### **5. MODALITATEAK: bereziki sustatutako modalitateak**

Bi lerro zehazten dira irizpide honetan:

- 1) Kirol-elkarte berriak edo bereziki sustatu beharrekoak.

UKABen aurkeztzen diren proiektu guztietatik gehienez hiru aukeratuko dira eta ohiko dirulaguntzaz gain ondorengo puntuak gehituko zaizkie, UKABen onartutako denboralditik kontutan hartuta:

1. Aurreko denboraldia onartu bazen: **100 puntu**
2. Orain dela 2 denboraldi onartu bazen: **50 puntu**
3. Orain dela 3 denboraldi onartu bazen: **25 puntu**
4. 4. denboralditik aurrera ez da puntuatuko

- 2) Herrian historikoki lotura berezia izan duten kirol-modalitateak sustatzen dituzten kirol-elkarteak, ondare kulturala dutenak eta, laguntzarik ezean, kirol gutxituak izanik desagerpenera joko luketenak: lizentzia bakoitzeko **4,5 puntu gehiago**.

Irizpide hauekin eskaera bakoitza baloratu ondoren, dagokion diru-partidan gordetako dirua guztien artean proportzionalki banatuko da.

#### **4.2 ZENBATEKOA**

Programa honen bidez deitutako dirulaguntzen zenbatekoa **60.000,00 eurokoa** izango da, 1 0352.481.341.00.02 2026 aurrekontu partidaren kargura eta lehiaketa bitartez “Ohiko Kirol Jardueretarako dirulaguntza” diru-partidaren kontura ordainduko da.

#### **4.3 GEHIENEN DIRULAGUNTZA ETA ALDAKETAK**

Oinarri hauetan araututako dirulaguntzak bateragarriak izango dira edozein Administrazio edo erakunde publiko zein pribatuk xede berarekin emandako beste dirulaguntza, laguntza, diru-sarrera edo baliabiderekin.



Aurreko kasuan, onuradunak jakin bezain laster jakinarazi beharko dio organo emaile honi dirulaguntza, laguntza, diru-sarrera edo baliabide horiek lortu izana, eta nolanahi ere, jasotako fondoei emandako aplikazioa justifikatu aurretik.

Udalak emandako dirulaguntzen zenbatekoak ezin izango du inoiz, bakartuta zein beste dirulaguntza, laguntza, diru-sarrera edo baliabide batzuekin batera, erakunde onuradunak diruz lagunduta garatu beharreko jardueraren kostua gainditu.

## **5. ARTIKULUA.- Eskaerak aurkezteko lekua eta dokumentazioa**

Eskaerak erregistro elektronikoen bidez aurkeztu behar dira Udalak horretarako jarriko duen eskaera-orrian. Halaber, Administrazio Publikoen Administrazio Prozedura Erkidearen urriaren 1eko 39/2015 Legearen 16.4 artikuluan ezarritako edozein bitarteko erabilita aurkeztu ahal izango dira eskaerak.

Aurkeztu beharreko dokumentazioa: Oiartzungo Udalak kiroleko eskaerak aurkezteko eskura jartzen duen orri espezifiko.

Administrazio Publikoen Administrazio Prozedura Erkidearen urriaren 1eko 39/2015 Legearen 28. artikuluan xedatutakoarekin bat etorriz, Oiartzungo Udalak bitarteko elektronikoen bidez egingo ditu deialdi honetarako beharrezkoak diren egiaztapenak eta kontsultak, datu elkarreragingarri hauek lortzeko:

- Identitatea.
- Gipuzkoako Foru Aldundiarekiko zerga-betebeharrak egunean izatea.
- Gizarte segurantzarekiko betebeharren ordainketan egunean izatea.
- Eskaera egiten duen elkarteak eskaera orrian adierazitako kontu korrontearen titulartasuna.

Horiek guztiak, interesdunak eskabidean berariaz aurkakorik adierazi ezean; aurka azalduz gero, Oiartzungo Udalak sektore publikoko edozein entitatetik beharrezkoak diren datuak zuzenean jasotzeko, haiekin egiazta dezan aurkezteko baldintza guztiak betetzen direla.

Administrazio Publikoen Administrazio Prozedura Erkidearen urriaren 1eko 39/2015 Legearen 28.3 artikuluan arabera, Oiartzungo Udalak ezin baditu agiri horiek elektronikoki bildu, salbuespen gisa, eskatu ahal izango dio interesdunari horiek aurkezteko.

## **6. ARTIKULUA.- Akatsak zuzentzea eta dokumentazio osagarria aurkeztea**

Eskaerak edo horrekin batera doan dokumentazioak ez baditu identifikazio datuak biltzen, akatsen bat badu edo zerbait falta bada, eskatzaileari eskatuko zaio 38/2003 dirulaguntzak arautzen dituen Lege Orokorrak eta Udal Ordenantza Orokorrak ezarritakoari jarraiki, hamar eguneko epean akats horiek zuzentzeko; eta adierazitako zaio

ezen, hori egingo ez balu, eskaeran atzera egin duela ulertuko dela, aipatu legearen 23. artikuluan aurreikusitako moduan.

## **7. ARTIKULUA.- Epeak**

Dirulaguntza eskaerak, 30 egun naturaleko epean aurkeztu behar dira, Gipuzkoako Aldizkari Ofizialean deialdi hau argitaratzen denetik zenbatzen hasita, 5. artikuluan deskribatutako agiriekin batera.

## **8. ARTIKULUA.- Beste dirulaguntzekin bateragarritasuna**

Araudi honetako dirulaguntzak bateragarriak izango dira erakunde publiko edo pribatuek xede bererako eman ditzaketen bestelako dirulaguntzekin. Bateragarritasunari buruz sortu daitezkeen zalantzak argitzeko, Oiartzungo Udalaren dirulaguntzak emateko Ordenantza Orokorrak 14. artikuluan finkatzen dituen irizpideak jarraituko dira.

## **9. ARTIKULUA.- Emateko prozedura**

Dirulaguntzak emateko prozedurak, Oiartzungo Udalaren dirulaguntzak arautzen dituen Ordenantzak IV. Tituluan (22-23 artikulua) zehazten diren pausoak jarraituko ditu, bertan azaltzen diren baldintzekin:

- Kirol-teknikariak dirulaguntza-eskariak ebaluatuko ditu.
- Txostena egin eta Herritarren Batzordera eramango du, honek txostena kontuan hartuta, bere iritzia eman eta behin-behineko proposamena luzatu dezan.
- Tokiko Gobernu Batzordeak behin-behineko proposamena onartuko du, hamar eguneko epea eskainiz interesatuei alegazioak aurkezteko. Prozeduran pertsona interesdunek argudiatutakoak beste egintzarik, alegaziorik edo frogarik agertzen ez denean, entzunaldi-izapide hori bazter utzi ahal izango da. Kasu horretan, ebazpen-proposamena behin betikoa izango da.
- Aurkeztutako alegazioak (baleude) aztertu ondoren, behin betiko ebazpen-proposamena egingo da. Proposamen horrek dirulaguntzaren emakidarako proposatzen dituen eskatzaileen zerrenda eta zenbatekoa adierazi beharko ditu, bere ebaluazioa eta hori egiteko erabilitako balorazio-irizpideak adierazita, eta baita zer eskaera ez dituen aintzat hartu eta zer arrazoitan oinarritu den ere.

Udaleko iragarki taulan eta [www.oiartzun.eus](http://www.oiartzun.eus) web orrian ere behin-behineko proposamenaren eta behin betiko ebazpenaren berri emango da.



Behin betiko ebazpena egiteko eta jakinarazteko gehieneko epea sei hilabetekoa da, 7. artikuluan zehazten den epetik kontatzen hasita. Epe hori ebazpena espreski jakinarazi gabe igarotakoan, pertsona edo erakunde eskatzaileek ezetsitzat jo ahal izango dituzte beren dirulaguntzarako eskaerak.

Dirulaguntza ordaintzea: Behin betiko dirulaguntzaren jakinarazpena eman dela jakinarazi ondoren, ordainketa tramitatuko da. Halaber, kontuan izango dira Oiartzungo Udalaren dirulaguntzei buruko Ordenantzaren VII. Tituluan aipatzen diren aspektu guztiak.

Dirulaguntza eman dela jakinarazi bezain laster, dirulaguntzaren % 60 ordainduko da, eta honetarako ez zaie inongo bermerik eskatuko onuradunei. Gainerako % 40 denboraldia amaitu ondoren ordainduko da, eskaera egiteko aurkeztu zen aurrekontuari dagokion gastua justifikatu ondoren. Justifikazioa egiterakoan kontuan hartuko da dirulaguntza emateko orduan oinarritzat hartu zen gastuaren aurrekontua, eta benetako gastua. halaber, Ordenantza Orokorraren VIII. Tituluan aipatzen diren aspektu guztiak.

## **10. ARTIKULUA.- Onuradunen betebeharrak**

Deialdi honetako dirulaguntzen onuradunek, Oiartzungo Udalaren dirulaguntzak arautzen dituen Ordenantzaren 6. artikulua ezartzen dituen betebeharrak bete beharko dituzte.

Ordenantzaren 7., 8. eta 9. artikuluek hizkuntza-, berdintasun- eta ingurumen-irizpideen inguruan ezartzen dituzten betebeharrak bete beharko dituzte ere.

Aurretik aipatutakoez gain, kirol-elkarte onuradunek honako hauek ere bete beharko dituzte:

- a) Klub onuradunak indarrean dagoen kuotaren % 75eko hobaria bideratzeko konpromisoa hartuko du, kirol-denboraldiaren indarraldian DSBE laguntza jasotzen dutela egiaztatzen duten familia unitateetako kideentzat, bertako jardueretan parte hartzeko; muga gutxienez plaza 1 izango de, 15 kirol lizentziako.
- b) Diruz lagundutako edozein jardueraren antolatzaileak idatziz, ahoz edo irudi bidez eginiko iragarki guztietan Oiartzungo Udalaren laguntzaren berri eman beharko du, haren logotipoa txertatuz (adb.: weba, pankartak, ekipaia...).
- c) Parte hartzen duen lehiaketa ofizialetan lortutako emaitzen berri eman beharko du zehaztuko diren kanalen bitartez.

## **11. ARTIKULUA.- Dirulaguntza justifikatzea**

### **11.1 JUSTIFIKAZIO- EPEA**

- Denboraldiko antolaketa dutenek 2026ko irailaren 30erako.
- Urteko antolaketa dutenek 2027ko urtarrilaren 31rako.

### **11.2 JUSTIFIKAZIO- ERA**

Azaldutako epearen barnean eta Oiartzungo Udalaren dirulaguntzak arautzen dituen Ordenantzako VII tituluan zehazten dena jarraikiz, honako dokumentazioa aurkeztu beharko da:

- a) Eskaera-orri espezifikoa.
- b) Kirol-memoria. (V. ERANSKINA)
  - Jardueraren deskribapena.
  - Lortu dituzten emaitzei buruzko balantzea ere aurkeztuko da. (gizonezkoena eta emakumezkoena)
  - Taldea osatzen duten gizonezkoei eta emakumezkoei buruzko kirol-balantzea (sailkapenak, tituluak, selekziodunak...).
- c) Memoria ekonomikoa. (VI. ERANSKINA)
  - Izandako diru-sarreraren eta gastuen balantze orokorra (denboraldikoa edo urteko balantze orokorra, kasuak kasu).
  - Diruz lagundutako ekintzen gastuak osotara justifikatzen dituzten fakturen kopiak eranskinean azaltzen den ordenaren arabera.
  - Entitateak denboraldian izan dituen laguntzen eta dirulaguntzen kopia (hitzarmenak, GAO, EAO, ...).

### **11.3 JUSTIFIKATZEKO DOKUMENTU BAIMENDUAK**

Oiartzungo Udalaren dirulaguntzen ordenantza orokorreko I. eranskinean zehaztutako dokumentuak bakarrik onartuko dira dirulaguntza justifikatzeko.

## **12. ARTIKULUA.- Dirulaguntza itzultzea**

Deialdi honetako 11. artikulua ezartzen duena betez, ez bada justifikatzen dirulaguntzaren xede izan den jardueraren gastua, dirulaguntza osoa edo zati bat eta dagokion berandutze-interesa itzuli beharko da, Oiartzungo Udalaren dirulaguntzak arautzen dituen Ordenantzaren IX. Tituluak arautzen duen prozedura jarraituz.

## **13. ARTIKULUA.- Araudi osagarria**

Oinarri-arau espezifiko hauetan berariaz jasotzen ez diren gai guztietan, deialdiaren oinarri-arau orokorretan xedatutakoari jarraituko zaio.

Halaber, Dirulaguntzei buruzko Udal Ordenantzari, Dirulaguntzen 38/2003 Lege Orokorrari eta bat datozen gainontzeko lege xedapenei jarraituko zaie.

